

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **73 (2011)**

Heft 4: **Hausaufgaben**

PDF erstellt am: **15.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Sgola, sgola sainza pôss...

Igl Parc Ela ainten las stanzas da scola

Pigls unfants digl Grischun Central è igl Parc Ela en parc tgi veiva. Igl muteiv è simpel, da taimp an taimp fon represchentants digl Parc Ela visetas ainten las stanzas da scola ed elaboreschon cugls scolars en tema. Chesta premaveira èn las pulas stadas igl tema ed igl aton suonda anc en de da lavour a favour dallas pulas.


ZEGNA PITTET-DOSCH

En bung ambiat

Tg'igl Parc Ela vigna gist cun las pulas ainten las stanzas da scola vegia atgnamaintg en simpel muteiv, igl Grischun Central seia en bung ambiat da veiver per las pulas, declera Alfred Gantenbein, igl manader da project nateira e cuntrada digl Parc Ela. I vessan er savia esser la filunzas, cuntinuescha Gantenbein, ed el menziunescha er, tgi avant dus onns seia igl Parc Ela sto sen viseta ainten las scolas cun la zerps. Sumigliaint agl project dalla zerps prevei er igl project dallas pulas en sivamezde da teoria ainten las stanzas da scola e siva en de da lavour or ainten la nateira e chegl per solit aint igls cumegnans danonder tg'igls unfants dereivan. Uscheia veivan igls scolars adegna puspe an lour conturn la lavour prestada a favour dalla nateira.

Ena scatla, umans e folia transparenta

Chellas treis tgossas èn stadas da basigns per biagier en «nia» noua tgi las palousas on gia igl lia ideal per far puppa e siva per sa sviluppar ad ena pula. Thomas Bühler, igl expert da pulas digl Parc Ela, è ia da tgesa da scola an tgesa da scola ed ò declaro e zambergea cugls unfants. Chegl era pero betg la sia suletta tgossa per far gost allas pulas. Thomas Bühler ò musso agls unfants differents maletgs da pulas e declaro tgi aint igl territori digl Parc Ela veivan da preschaint bung 102 sorts da pulas. Igl unfants èn er nias da saveir tgi avant tschuncanta onns vivevan en



toc duple pulas ainten chel territori. Pero antras la mecanisaziun dall'agricultura on las pulas pers spazi da veiver. Antras igls pleds da Thomas Bühler èn igls unfants nias sensibilisos agl spazi da veiver tg'è ideal per las pulas.

Tgitar e pavlar

Igl punct culminont è franc sto tgi Thomas Bühler ò do a mintg'unfant en pêr palousas per ainten l'atgna scatla. Cun gronda luschezza on igls unfants purto a tgesa lour scazi ed er tgiro chel. Mintga de èn igls unfants turnos an scola ed on rapporto digl svilup ainten lour scatla. Bel è sto d'observar, tgi betg angal igls unfants on gia en tschaffen enorm, er igls genitours on rachinto da lour palousas. Las palousas maglevan tot a mordio urteilas e plang a

plang èn ellas sa tratgas anavos per neir puppas. Gl'ò er do muments da desillusiun, per exaimpel ainten scoligna èn tot las palousas mortas. Er tar singuls unfants a tgesa ègl betg gartagea, betg ena palousa ò survivia. La gronda part digls unfants ò pero gia success, siva da bung treis emdas magler on las palousas fatg puppa e pacas emdas siva èn ellas schluitadas. Igl unfants on pudia admirar las belas pulas – las golpettas d'urteilas. Chellas pulas èn alloura naturalmaintg neidas laschedas libras e las scatlas èn per part neidas dustadas per far ena sagond'amprova la premaveira proxima.

La lavour spetga anc

La viseta allas scolas è angal ena mesadad digl project dallas pulas. Igl aton vo mintga scola or ainten la nateira e lavoura per tgi las pulas vegian en migler spazi da veiver. D'aton taglian igls scolars igl bustgom, las tgaglias ed angrondaneschan uscheia igl spazi da veiver dallas pulas, pero betg angal da chellas, er oters animals profiteschan dalla lavour digls unfants declera Alfred Gantenbein. Igl davos onns ins vegia adegna fatg bungas experientschas cun tals deis da lavour. Dasper la lavour scu tala dattigl anc gis e cò tar las pulas pon igls unfants er ir a tgappar pulas. Igl dus responsabels digl Parc Ela, Alfred Gantenbein scu er Thomas Bühler, èn tots dus digl meini tg'igls unfants mossan plascheir e siva igl de or alla nateira possan els franc vaseir fatschas satisfatgas e stanclas. Betg d'amblidar seia, tgi durant en de da lavour or alla nateira vegian gist er scolars pi debels la schanza da mussar tge tgi saptgan. Cun las pulas è igl Parc Ela durant la premaveira sto an viseta an set scolas e chegl sen tot igls scalems, dalla scoligna anfignen tgl scalem superieur ed ossa suondan alloura anc igls deis da lavour.